



*Kamis, 2 Januari 2025*

**Ogen : Matuis 1:1-17**



**SILSILAH JESUS KRISTUS**



Adi siperdiateken dirinta enda, ja nari kin kita rehna? Tentu arah nande ras bapa. Nande bapanta ja nari rehna? i bas nini ras bulangta nari. Nini ras bulangta ja nari rehna? I bas orangtuana nari. Adi ipegedang penungkunen e, banci lanai si eteh njababsa. Apai ka isungkuni gelar nini ras bulangta seh ku orangtuana ras ninitudungna. Maka la si eteh perbahan la isuratken.

I bas kitab Matius isuratken kerna silsilah Tuhan Jesus. Benaken i bas Abraham, Daud, masa pembuangan, ras masa kenca pembuangan. Lit telu masa si ituriken seh ku ketubuhen Jesus. Masa Abraham seh ku Daud 14 kesusuren. Masa pembuangan 14 kesusuren ras masa kenca pembuangan 14 kesusuren. Teridah kesetian Dibata, benaken doni enda ijadikenNa lit sura-suraNa guna nelamatkensa. masa Abraham ku Daud mbue kal pelanggaren manusia e, tapi la itaktakiNa. Masa pembuangan pe ban itulak bangsa e nge Dibata, tapi ipadanken Dibata nge mulahi ia i bas pembuangan nari. Kenca pembuangan pe lalap irak-arakNa seh masa Jesus reh ku doni enda.

Lit pe ituriken diberu-diberu si mbelin ngaruhna seh ku bas ketubuhen Jesus ; Rahab diberu si dahinna perlua-lua i Jerikho nari. Rut diberu si mehuli tapi kalak Moab si rusur erperang ras bangsa Israel. Maria si rehna i bas suku si kitik nari i bas kalak Jahudi. Encidahkensa maka i bas diri Jesus e lit dareh non Jahudi. Jadi, kerehenna labo man kalak Jahudi saja, tapi man kerina bangsa perdosa i babo doni enda.

sikataken bujur man Jesus e sabab kerehenna guna kita kerina si perdosa gelah terkelin.

*🕊 Kekelengen Tuhan tetap rasa lalap*

